



89904

畜墨頂齋

詩鈔

觀津王景題



光緒丙申春開
雕四本堂藏板

蓄墨復齋詩序

詩以意爲主而又必氣足神足復以書卷醞釀之乃能
不必矜言格調而格調自無卑靡之習今於同年王
君造周蓄墨復齋詩見之唐杜少陵爲詩聖無體不備
李義山學杜而獨以縝密勝卓然自成一家踵其後者
則惟國朝吳梅村祭酒凡輕薄爲文之士皆無從窺
其門徑君詩醞釀甚深運古入化以之遠紹義山近
追梅村洵無多讓要其得力之處又有非常情所能喻
者君久困場屋壬子科僅中副車而卒不得志於有

蓄墨復齋詩鈔

卷一序

一

司由是設帳授徒風雨一堂初不知門外事然後歎天
之成就一詩人必先有以淡其志慮一其心思使之朝
湔夕厲漸以勃發其精華若早入宦途攫情利祿復何
能坐守一編優游饜飲日鑽仰其中以振一代之風騷
哉吾故讀蓄墨復齋詩深惜其僅成爲詩人又甚幸
造周之卒自成爲詩人也

光緒歲次甲午秋八月年愚弟楊光儀頓首拜撰

跋

大集古近各體俱如幽燕若將氣韻沈雄其憂時感事
之作及表彰忠孝節烈諸章尤能發潛闡幽不遺餘力
詩無不與題副人卽當無不以詩傳少陵而後稱詩史
者何人楊香吟先生稱其遠紹義山近追梅村義山梅
村皆善學杜者洵屬知言茲承囑妄加圈點不知有當
作者意否他日梓成尙望先睹爲快

光緒歲次辛卯大雪日樂亭愚弟史夢蘭拜識於梧風

竹月書巢時年七十有九

蓄墨復齋詩鈔

卷一 跋

一

此書善學林森... 香吟人楊香吟先生... 精於不與... 多... 大集古近各體俱如幽燕若將氣韻沈雄其憂時感事

題辭

津門梅寶璐 小樹

滿篇繁至性感慨發奇文氣與韻俱古詩同人不羣懷

清原凜雪筆健自凌雲渺渺滄波外登壇樹一軍

朗吟樓上月仙迹至今留遇合原難定襟期孰與儔名

場空百戰此卷足千秋咫尺神交切何時共唱酬

津門李慶辰 筱筠

老友于阿璞言君善詠詩一編終未睹數載費尋思茲

得琳琅冊驚看絕妙辭佳章精煅鍊曾斷幾吟髭

蓄墨復齋詩鈔

卷一 題辭

萬古滄州道中條山色新從來多隱士今更得詩人吏

部螯持螯麻姑爪擘麟何時相唱和共醉甕頭春

鹽山劉淮焞 星岑

古來大雅幾銷沈却喜騷壇有嗣音桃李陰濃追雪耳

滄州張雪耳先生創立滄 集中有水

曲書舍造就人才甚衆 心獨抱玉 風霜歷久見冰心

之句 壺清 花添好問機中錦曲譜成連海上琴珍重一編通

穆陵王正路 義甫

詩名徧寰宇起在乙科前天地莫予毒風流自可傳中

條山色裏滄海暮雲邊讀罷深遐想狂吟句欲仙

古越王佐

海天寥濶處老鶴一聲鳴衆籟寂無響流泉相與清會
心託高詠出語總深情壽此名山業燕南幾抗衡

合肥龔駿嶠雲峯

慷慨高歌擊唾壺清華才調重長蘆邊疆戰伐編詩史
異國共求寫畫圖醉罷題箋關世務興酣落筆掃時趨
驚人奇句探驪手腸借西江澆滌無

浪跡天涯得所師三年深悔見公遲余在滄州教讀
先後已三年矣刪

蓄墨復齋詩鈔

卷一題辭

二

詩有待欣求友載酒頻來許問奇故國江山談舊夢異
鄉風月訂新知淮南冀北人千里文字因緣遇合時

獻陵紀鉅維香驄
受業

擺落畦町絕俗塵輞川詩格總清新何須更酌麻姑酒
一瓣香濃早醉人

總角曾經侍誦絃舊游回首夢依然鳳毛慚愧當時句
席帽欺人四十年

同里劉之聘介臣

舉秀才不知書察孝廉父別居功名從古已如此雪窗

水案何其愚 先生家世古渤海皓首窮經五十載上
書蘇季卑縱橫下第劉蕡志不改將軍百戰老名場如

龍志氣猶昂藏據鞍空嗟雙鑠叟副車誤中張子房先生

王子副榜寒雪壓廬冷瑟縮魯酒自斟嘔心血黃金不售長

楊賦青蓮自有生花筆一杯魯酒屋生春淋漓醉墨如

有精神仙丰格英雄膽忽然兒女忽風雲人生遭際不

得意動輒拈筆為游戲管絃譜出名士愁蘭芷半是騷

人淚先生閱世感慨平擊筑鼓缶皆正聲少陵詞賦多

憂國巫山雲雨託傾城埋首年年蓬戶下爭奈陽春曲

蓄墨復齋詩鈔

卷一 題辭

三

和寡蓄墨齋頭墨萬斛老淚盈盈空一把吁嗟乎塵世
蜉蝣水逝波殘局未終斧爛柯富貴浮雲浮若何不如
有酒且高歌南園昨夜梅萼吐閉門甘作梅花主詩成
手把金叵羅一笑掀髯花亂舞

同里于光襄 阿璞

王孫一別後芳草碧紛紛詩味花間雨離情海上雲論

交千里遠稽古半生勤余亦耽吟者登壇許策勳

同里李心省 德圃

莫謂功名晚雲梯指顧中感時存抱負補史闡公忠詩

酒今知己琴書古折衷子安冠四傑才望許相同

同里 彬 俊卿
受業

視田耕慣懶窺園七十情懷付酒樽未藉文章登上第
會陪桃李列公門焦桐入爨音方雅蓄墨傳家澤尙存
珍重輞川詩卷在遙從正始溯心源

同里 劉 紳 書堂
受業

袖得生花筆一枝浮辭淨掃抒雄辭人生福澤難兼獲
天與才名竟若斯滿腹牢騷覘志遠寸心甘苦少人知
燕南七子流傳久分道揚鑣許並馳

蓄墨復齋詩鈔

卷一 題辭

四

老尙耽吟亦壽徵 先生心比玉壺冰酒懷淡逸陶彭
澤詩律精嚴杜少陵經史鎔成歸大冶風騷振起憶傳
燈自慙枉立程門雪虛願終輸驥尾蠅

會同川拾錄五

會同川拾錄五
會同川拾錄五
會同川拾錄五

古今賦詩卷五

蓄墨復齋詩鈔卷一

長蘆 王培新

造周

訪朗吟樓舊蹟

散步尋仙境蒼涼故址蕪河聲前渡急人影夕陽孤碑

斷龍猶抱樓空鳥自呼滄桑一杯酒重與問麻姑

數詠古四首

逐鹿山河紛戰攻先生抱膝誰與同世外知音龐德公

一龍高卧空山中山空夜靜風雷作君臣一德魚水樂

不羞孤媚有姦雄回頭竊情荀文若

諸葛武侯

蓄墨復齋詩鈔

卷一

一

書非甚解琴無絃折腰束帶妨高眠野草寄奴綠到天

傷心不書義熙年歸來松菊尚無恙清風一榻足幽曠

何須桃源始避秦抗懷自在羲皇上

陶淵明

逍遙一局別墅基聲色不動決危疑兒輩破敵安足奇

風流儒雅真我師可惜出世成小草蒼生望重人空老

何如攜妓歸舊山薔薇洞口花開早

謝太傅

左手提鼓右援桴天與不取非良圖功成拂衣不受賞

嗟哉范子真丈夫扁舟一葉逐煙絮湖上鴛鴦自來去

千秋疑案兩鴟夷未知西子歸何處

范少伯

題前送曹倬亭孝廉

雲漢

籤發東河令題寒玉百餘舟

置身不到鳳凰池僕僕風塵作吏時千里馳驅王事

重十年攻苦故人知傳書應切宜房計德政仍刊撫字

碑此去謫仙樓上望煙雲都入錦囊詩

讀漁洋山人詩集題後

如公詩卽史兄弟有高明跌宕看山興流連弔古情于

秋歸定論一代啟先聲遺愛尊鱸美秋湖錦水生

撐腸五千卷鎔鑄屬詩人辭典搜金石高歌泣鬼神廟

堂推作手何李孰前身仰止空搔首開編證夙因

蓄墨復齋詩鈔

卷一

二

詠雪

普天不辨路西東飛雪迷離遠近同柳絮絮飢翻千樹影

蘆花低舞一帘風須知遇物方成象可惜開花總是空

十二闌干閒眺望乾坤都在畫圖中

霏霏玉屑鎮飄蕭誰散天花下九霄蒙首青山形欲睡

隔林紅葉影全消何人飲酒聽新曲有客尋梅過小橋

絕妙輞川詩裏畫丹青一幅是芭蕉

塵襟滌盡興悠悠掃徑垂簾憶舊遊門外馬蹄何處認

眼前鴻爪爲誰留涼侵孤客悲蓬鬢冷壓寒江有釣舟

連日蕭齋無箇事此生且喜住瓊樓

征鴻影斷暗長途萬里關山一色鋪抽思朝催名士賦

聯吟夜繪美人圖黃昏宇宙重雲鎖白戰英雄寸鐵無

此是袁安高卧處使君休厭巷回紆

六出寒寒本是冰隨風幻出玉千層詞歌黃竹今何在

操詠梁山愧未能野徑煙封沽酒岸寒窗人當讀書燈

紅爐一點留真諦參透禪家上上乘

生成性慣愛飛揚幾度繽紛興欲狂點手似來招舊侶

前身曾記潤羣芳六朝廷苑迷金粉千載風雲聚玉堂

舊墨復齋詩鈔

卷一

三

有色無香終抱歉騷人不必費平章

光明世界似裝銀多謝天工點綴新此去平吳應入夜

邇來訪戴恐無人放懷盡洗胸中障插足全非世上塵

一笑回頭尋妙境峨眉峯頂結芳鄰

跨鶴仙人出玉京笛音繚繞笑相迎參天樓閣寒無影

墮地瓊瑤凍有聲人倚妝臺描畫本風吹灞水入詩情

而今諒少知音者一曲陽春倩孰賡

賈太傅

少年英銳氣難平痛哭陳書向帝京聖主豈遑矜制作

先生未免喜紛更長辭廊廟緣何故儻棄簪裳似不情
恰好屈原同列傳隔朝一樣淚縱橫

已有陷賊中逃歸者感而有作

孤客遭離亂生逃虎口來驚心一相問感慨有餘哀吳
楚連烽火江山付劫灰白門猶血戰誰是出羣材

春日感懷

故園回首似天涯秋盡春來感歲華往事迷離疑斷夢
荒村寂寞尙浮家并將舊業隨流水剩有閒情賦落花
願祝天公憐客恨東風吹掃戰場沙

蓄墨復齋詩鈔

卷一

四

春郊卽事疊前韻

春風吹暖徧天涯散步尋芳攬物華青草池塘詩客夢
綠陰門巷野人家垂綸別浦分萍葉沽酒前村問杏花
連日奚囊新句滿精金揀盡尙披沙

再閱感懷詩意有未盡因足成二律一以傷時一

以自慨也再疊前韻

妖氛飛渡衛河涯血戰江山弔李華薦食豺狼今有窟
飄零鴻雁半無家牙旗照冷三關月畫角吹殘九塞花
誰鑄六州成此錯將軍縱寇在長沙

風塵擾擾竟無涯老大徒傷兩鬢華壯志未酬誰識我
春光漸老客思家半生長物餘書卷一曲狂歌指劍花
策上治安憂莫達漢廷翻羨賈長沙

有懷蔭蘅妹三疊前韻

可憐咫尺卽天涯生小連枝念棟華患難相依偏送別
煙塵不到便爲家殘春燕蹴泥中絮故國鶯啼陌上花
他日同歸憑弔處城南戰士幾蟲沙

村居雜感

傷心豺虎竟爲羣三輔關河擁陣雲大將今無郭忠武
蓄墨復齋詩鈔

卷一

五

罪言誰念杜司勳餘生多故成春夢流水殘煙下夕曛
十載讀書思報國願攜長劍賦從軍

登高騷首問穹蒼悵望千秋此斷腸畏事養癰由守令
空言誤國是文章一腔幽怨聽鶯語三處分飛感雁
行破寺重來弔諸佛慈悲曾不管滄桑

浮雲世事幾推遷惡歲荒蕪舊硯田誰制毒龍離孽海
人騎瞎馬怯深淵漸除結習餘疏放無可消愁但醉眠
太息故園兵燹後孤城落日絕炊煙
一聲畫角起邊愁戰壘中分衛水流効死孤臣悲馬革

成名豎子爛羊頭竟教畿輔驚烽火坐擁旌旄鎮上游
原野蕭條無限恨花門惆悵至今留

蘇東坡

雜興

用右丞句

大地如雲黃清風隴上來餅餌時聞

香農夫淬腰鎌笠影紛成行根絕穗在手偃僂各奔忙

雲陰盼不到火傘天中張盈握汗浹背辛苦何時償猶

勝廣川東十戶九逃亡可憐膏腴田踏爲戎馬場蹂躪

徧郊甸餘者資寇糧誰統驛騷兵河上空翱翔時粵匪

鎮官軍壘而圍之鼠踞連蒼天冥不聞縱彼豺與狼作苦不食新枵腹

商墨復齋詩鈔

卷一

六

行彷徨我今遭離亂念此擢中腸兵燹幸未及寄食天

一方日至告成熟巡視界與疆所獲雖無幾亦足盈我

箱二紅徵歲豐帝力安可忘但得餬口資此樂真無央

飽食讀我書颯然松風涼坐待煙塵掃行當歸故鄉

九日聖佛禪寺登高

西風木葉下紛紛野徑逶迤幾處分廢院殘鐘前代寺

荒原衰草故人墳天形似笠低秋水海岸無山走斷雲

病起登臨偏不倦愁聽孤雁悵離羣

南村雜詩

取次金風日夜增菊花性格本宜冰豈知病骨驚秋早
閉戶常如退院僧

歛然秋色又更新避地經年歷苦辛自分荒村無客至
打門黃葉誤驚人

誰挽天河洗甲兵芳樽有酒自常傾村醪味薄不成醉
戲數游魚傍水行

古木亭亭落日斜行人影散路三义昨宵雨過蒼苔滑
紅出一籬扁豆花

柳葉經霜半未彫隨風送我過平橋秋容卻比春光好
蓄墨復齋詩鈔

嫩綠淡黃誰得描

卷一

七

玉粒金穰處處同秋成萬寶慶年豐村農也解由天賜
香火雞豚賽社公

生存華屋死山邱海上移情憶昔遊感舊羊曇無限淚

登高不忍望西州

弔張南
橋夫子

風塵何處著漁蓑客裏悲秋獨嘯歌說與青天應慰我

名山望重布衣多

冬夜有懷

知音書到問平安落拓風塵雁影單歲暮懷人頻入夢

客中多病勉加餐三生孽債傷心慣百里關河覲面難
說到別離無限恨月明兩地不同看

寄懷鍊珊宗叔

鍾璿

用前韻

烏棲聊借一枝安落寞生涯歲又單枯柳搖風愁夜寐
寒梅和雪當朝餐交多切骨關懷易愛尙留根出世難
記得聯牀同鬪句詩瓢珍重倚欄看

新縣道中

策蹇渾忘道路艱金丹乞得一開顏

時余病疥就醫於張沙莊

危橋

歛岸河無水古剎撐空土作山千里碧雲鴻乍渡半林

蓄墨復齋詩鈔

卷

八

黃葉烏知還歸途緩轡逢僧話別緒依依夕照殷

龍堂莊訪姜正夫先生

育枚

不遇令弟子方留飲

別後卻寄

故園歸不得訪舊到林泉流水明殘照孤松鎖斷煙聯
牀空有夢把袂竟無緣小宋驚相見開樽話往年
軒窗一杯酒笑語答幽禽庭樹落黃葉蕭然秋氣深河
山今昔感風雨別離心扶醉歸鞍重敲詩發浩吟

抵家

一鞭得得趁朝暉楊柳風輕送客歸大難削平遺恨在

舊交檢點幾人非
煙籠古樹鶯初喚
泥落空梁燕已飛
稍喜海棠親手植
花開猶自傍柴扉

喚渡

垂絲裊裊柳條新
玉笛聲中喚渡頻
兩岸草鋪詩裏畫
三篙浪暖鏡中人
隻身鄉里翻如客
滿眼鶯花不見春
貪看游魚癡立久
東風吹綠滿前津

津門夜泊

煙波十里卧紅橋
市近魚鹽櫓尚搖
滄海月明雙岸迥
估船人語一燈遙
文章氣藉金樽壯
絃管聲憐玉指調

蓄墨復齋詩鈔

卷一

九

珍重小鬟高唱處
相逢半面也魂銷

一枝山房書懷

蕭然琴劍此身輕
玉笛關山折柳情
孤客棲同春社燕
幾人賦詠上林鶯
雲浮渤海懷今雨
月落弓高失故城
我亦悲歌燕趙士
不隨屠狗致公卿
關情最是謝家池
畫檻輕寒鬪草時
三尺雪深松影亂
二分春瘦杏花遲
清歌白紵增惆悵
世事黃梁半信疑
剩有桐心孤未死
朝陽鳴鳳羽參差

敢將榮悴問天公
謝女吟殘柳絮風
兩地飄流悲斷雁

尺書隔絕怨歸鴻金閨繡悅盤龍鏡玉弔珠衣射雉弓

無限傷心須記取子規啼過日華宮時蔭衛妹于歸獻陵陳氏余未暇歸

送故感及之越俎何堪借箸籌文章大塊錦囊收蓬仙有約招青鳥

海客無心狎白鷗舊恨半消花下酒新詩誰寄竹間樓

謂于阿璞表叔著書閉戶平生事鉛槧縱橫自校讐

和念佛笙刺史傳徽舟中夢飲滄酒有懷書院諸

昔日河干同折柳勸君且盡杯中酒今夕桐飄一葉秋

蓄墨復齋詩鈔

知君醉夢到滄州滄州遠隔津門路酒送如泉河上住

把盞論文覲面難相思淚灑甘棠樹酒含秋味嘗曾徧

秋入酒鄉人不見潤我酒腸何處樓知他秋思誰家院

一繫扁舟慰別愁炎涼閱盡辨薰蕕藝林得句裁黃絹

宦海隨緣狎白鷗停撓沾酒恣吟送酒醉麻姑香入夢

南川樓下客思深直吸滄江作酒甕醉後懷人卷掩黃

秋色侵尋兩鬢霜醉餘弄筆蘆吐白秋光亂颭一篷雪

詩成寄我菊籬下君真趣得酒中者脫稟如傾滄酒鮮

詞源倒注銀河瀉謫仙詩筆花生好秋著酒朋冰在抱

卷一

百篇一斗和難成元白才名真壓倒

和李佛笙刺史立秋感懷原韻

秋懷一夜葦花中歲序驚心類轉蓬孤榻涼陰分岸柳
斷橋流水入絲桐部民正仰車邊雨長吏仍攜扇底風
竹馬兒童應下淚扁舟猶認舊詩翁

水邊風月稱閒身白紵歌成宿墨新感慨詞章猶寄我
炎涼世態不隨人悲秋豈是因多病奉檄由來爲養親
慚愧青雲緣太淺菜鮭甘守庾郎貧

孝女石寄梅輓詩

蓄墨復齋詩鈔

卷一

七

峻絕皖公山斗峭出塵寰清故沾上水潺湲流不已皖
山沾水何處鍾秀靈曇花一現生娉婷石家嬌女名玉
蓮慧根豈借濯清漣懶吟司馬長門賦愛讀更生列女
篇盧龍塞上春風好女兒花作寄生草仙尉門楣學舍
檀依依慈母投懷抱女父時官永平經歷命女拜
梅樹君廣文夫人爲寄母慈母
膝前珍愛深梅兄戲共覓梨棗一朝官閣種將離葛蘿
松上枝分早戎馬關山行路難長伴靈椿一株老重逢
萍水豈無時異姓同胞繫別思纔喜公儀來入幕那知
道韞誤牽絲此時孝女正芳年此時孝女御琴絃此時

阿母病牽纏孝女奉侍苦憂煎雲雨世情翻覆手慈烏
反作河東乳人說楚娥是謫仙卻逢齊贅非嘉耦嚴親
撫字心苦勞作吏風塵事奔走米薪生計託蘭閨何術
能執讒慝口蓮花豈受污泥染變幻浮雲白衣斂持家
除却草當門松筠氣節真無忝一自空閨賦柏舟風起
棘心吹不休但願採蓮刺蓮子梅梢月落心悠悠孝女
矢志茹冰雪淚灑杜鵑枝上血霜砌已拌蕙質摧雪窗
旋報蘭芽折孝女聞之心痛絕弱草微塵影俱滅父在
仍留再世緣母亡幸畢今生孽呼兄伏枕重致詞了了

蓄墨復齋詩鈔

卷一

十一

前因久自知曾拜蓮臺侍南海葬儂豈惜河之湄女兒
約臂留丹誌老父傷心哭素帷有夢不歸桑落洲有魂
長倚竹間樓

津門梅樹
君家齋名

蘋蘩欲薦增惆悵掩玉埋香土

一邱嗚呼蓮兮清若此再生祇願生梅里尙賴楊枝一

滴水

草當門松筠氣節真無忝一自空閨賦柏舟風起

輓駐防驍騎校奪公魁

麻姑城頭鳴鼓角麻姑城外妖氛惡拌教戰士付沙蟲
忍視黎民驚風鶴都尉列隊戰城南揮戈誓掃欃槍落
奮臂一呼勢莫當將佐効忠爭踊躍就中奪公尤英武

先登陷陣如虓虎賊眾辟易重圍開挺槊猶作旋風舞
無奈援絕矢力窮火銃無色鉛丸空傳箭急呼焚藥庫
資寇失計非英雄孤城日落風怒號赤龍掉尾青天高
世僕久霑北闕祿男兒肯作東門逃或曰有東門可走
公曰吾家世僕安
敢逃
死平長驅賊騎如飛電將軍短兵猶巷戰一揮再揮氣

愈豪怒髮上指風雲變幾番戰袍血染紅孤臣報國生
何羨任教軋犖降旗招翻致睢陽晚節見將軍一去死
猶生閭里爭傳儒將名憶昔風流耽翰墨於今子姓繼
簪纓我來弔公泣戰場忠貞千載凜難忘幾枝本立堂

蓄墨復齋詩鈔

卷一

三

前菊

公素愛菊額
其堂曰本立

勁節秋深尙傲霜

奪公夫人趙安人及二女殉節詩

婦人矢志殉所天含笑從容赴九泉之死靡他亦偶然

誰是矯矯巾幗賢關母前生洛浦仙種花祇種水中蓮

開作並頭結淨緣閨房靜好理冰絃丈夫儒將文武全

方將上書籌備邊豈知青海銘未鐫白波捲地起烽煙

男兒報國生可捐驚破鴛鴦夢不圓安人貞節金石堅

二女茗華玉並妍戰袍縫就肯安眠猶誦河洲漢廣篇

一朝城陷森戈鋌小醜潢池禍竟延門前溪水清且漣

就死從夫此最便或推或挽整花鈿雙攜嬌女投重淵
龍女把臂何聯翩金支翠旗相映鮮漫教精衛銜石填
留照冰心千古傳

戴母姜孺人殉節詩

羅平妖鳥彈仍在神鴉一旅犀雞駭城上棲烏夜不啼

化爲精衛填滄海戴母貞操水玉清詩書教子鳳雛鳴

十年怨寄離鸞曲一夕心驚唳鶴兵變起倉猝可奈何

嫠婦難揮挽日戈繞膝佳兒何處是妾心古井水無波

金釵自拔非沽酒換得溪流貯甕甌賊逼滄州孺人卽脫簪買溪水滿貯

蓄墨復齋詩鈔 卷一

古

甕中豫爲死地貞姬商摧有同心城將破威好中有老姆與節孺人相約同死各如其志

行堅持孰援手何物老嫗拯使起母乃不解成人美水投

時有鄰嫗拯救孺人叱曰爾欲生我乎抑汚我乎憤罵之卒入甕以死幼讀女箴大義明

此身拌付東流水翩然一躍鬼神驚如願龍宮笑面迎

不惜鮫珠遺貝闕行隨鳳翼上瑤京三復滄浪歌一曲

何止守貞詠黃鵠回頭鄰媪判天淵蓋棺論定孰榮辱

至今地下應含笑灣環村水心如照兒孫祭掃晚歸來

涼月依稀雙鶴弔

雜感

年來國步歷艱辛痛哭無由叩
帝闈專闕有權馳介
馬在廷何事憚批鱗曾聞狄宋持公議可惜蕭曹是外
臣猶幸累朝邦本固 先皇遺愛洽斯民
兵燹頻遭恨未窮黔黎何處訴蒼穹督師籌餉惟增稅
遺孽潛踪尙伏戎豎子勛名原幸致專祠廟貌孰公忠
終嫌歇馬髀生肉畚鍤同持趣赴功

番舶何時靖海疆遼西小醜又跳梁依然卧榻容酣睡
底用材官選蹶張政府無人參末畫干戈自古起蕭牆
太平武備原難忘辛苦親藩宿豹房

蒼墨復齋詩鈔

卷一

五

怪底終軍志請纓從來雌伏笑書生長官威挾鷹揚勢
大將旗麾鶴唳兵投筆竟多班定遠屯田終賴趙營平
諸君早挽天河水淨洗煙塵答 聖明

消夏吟

芭蕉分綠暈華箋寄傲南窗結淨緣千里暮雲隨鳥沒
一庭涼月枕花眠閒情別調陶潛賦繡佛長齋蘇晉禪
醉後孤吟天趣永著鞭甘讓祖生先

邇來無怨亦無尤知命何堪比鄧攸獻玉頻揮和氏淚
瞻天獨抱杞人憂光陰過眼嗤蕉鹿花事關心捉菊牛

有筆欲投投未得嫁衣忙到幾時休

鰥生合號信天翁芥蒂全消淡泊中者手陰成栽徑竹
移情曲譜撫絲桐驪龍睡穩癡還賣老馬途長識未窮
問字人來誰載酒草元貽笑薄楊雄

人間何處是蓬瀛萬里天衢路不平寶笈無緣窺秘閣
寒窗兀自擁書城吟風弄月償詩債覆雨翻雲笑世情
幾卷山經消永晝案頭鉛槧任縱橫

烈士行

并序

烈士者荊州駐防旗校禎祥會祥兄弟也兄充

蓄墨復齋詩鈔

卷一

七

防禦偕計吏以觀光弟奪武魁上公車而就試

黃沙滿目同歷苦辛碧血填胸夙懷忠憤泊乎

長辭 禁藥豈知劫換紅羊無何遠隔江關竟

爾兵逢青犢城初抵夫麻姑原異從容以拒戰

人並稱爲俠客自甘慷慨以同仇効死西門酬

恩北闕嗚呼職非守土偏存致命之心家本

從戎不昧捐軀之義節概可永傳千古燼篋眞

無愧二難爰作歌行表揚忠烈非敢矜能賦之

長聊以備採風之助云爾

癸丑九月狐憑城黃塵四起飛鼯鼯壞雲壓陣人皆墨
頓覺滿城風鶴驚豕突狼奔來寇兵鏗然武庫刀槍鳴
都尉殺賊踏連營河水紅流戰血腥將校大呼競奮武
如虹氣欲吞欖槍豈知援絕矢力盡雲旗慘淡天冥冥
幡然退作嬰城守城亡與亡併力爭本來管鑰有專責
何敢沙場期倖生中有烈士千人英幼習鈴韜大義明
問家何在古江陵急難同心弟與兄一自聯鑣朝帝
京旋車無奈滯歸程五壘崇墉颺旌旌孤城危如累卵
傾我亦從龍食君祿坐視毋乃非同盟願修矛戟與

蓄墨復齋詩鈔

卷一

七

偕作死綬豈等鴻毛輕呼僕輦藥儲火具忠肝鑄就鐵
錚錚憑高下擊賊辟易蝥弧齊拔孰先登無如我寡寇
彌衆鉤梯架木如孫升攜手俱焚同玉石問心差免負
朝廷詰朝賊去屍縱橫纍纍填作長平坑戰士蟲沙
邀賜卹羈臣馬革孰知名離家數載無消息夢入深
閨啼曉鶯風冷條山埋駿骨月明楚峽泣猿聲湮沒廿
年一朝雪督臣修乘搜遺型封章上達天顏喜九
重依例褒忠貞須知潛德幽光有時顯斗牛劍氣終必
騰配食專祠添客將千秋俎豆留英靈靈

孟母龐安人殉節詩

生不爲仲郢母九熊教子謀貽後死無愧梁鴻妻九原

舉梭眉猶齊舍生就死何從容卓哉烈婦孰追踪夫存

畫閣攜琴伴夫歿收臺攬鏡慵憶自天桃賦于歸斜陽

古柳

母家天津北倉地名趙家莊

別庭幃羹湯手進慈姑喜那有鴛

鴦相背飛倡隨四載賡偕老連理花開香正好同心共

挽珠帶長薄命翻摧玉山倒蕭郎一夕歸夜臺問天奈

何奪人早一曲初彈寡女絲三生未種宜男草烈婦念

此摧中腸泣雨啼風苦備嘗手卸荆釵與布裳麻衣著

蓄墨復齋詩鈔

卷一

六

體夜凝霜茹雪飲冰祇自傷斑斑淚血比英皇甘心絕

粒卧空牀泉路悠悠覓媚鄉獨生不忍拚同死妾心古

井本如水縱餘魂夢戀椿萱終使芳馨長蘭芷穉祿無

兒哭素帷裙釵有志標青史貞姑家世勒貞珉

安人有姑許字

趙室夫死守貞掩玉埋香洵並美君不見精衛銜石海可填懷

清臺上節尤堅遙憐一片津沽月長照冰心千古傳

由繡漪橋沿湖隄西行暮投門頭村宿途中書所

見

車乘下澤促輪蹄野水瀾漫路又迷山色照人忘遠近

祇憑孤塔辨東西
危橋千尺跨清漣
磴道高盤尺五天
欲雪藕絲抽不盡
卻憐人比藕花妍

投竿何處釣魚郎
十里煙波菱芡鄉
臨水柴門明鏡裏
荷花終比稻花香

回首觚稜隔斷雲
金牛蔓草卧斜曛
鷓鴣睡穩菰蒲靜
不見湖邊耶律墳

甕山高踞樂遊原
當日遨頭接御園
何處採蓮溪畔
女傾城空憶苧蘿村

蓄墨復齋詩鈔

卷一

小憩荒村藉碧苔
千人石畔講堂開
一龕香火金山寺

錯認生公說法臺

北塢王姬歿後附人說法跪而聽講者甚衆

玉泉山上藥珠宮
山脚飛泉萬派通
無限明珠隨地湧

清流原是倒垂虹

勝遊一路問蓬瀛
祇有青山解送迎
差喜新交如舊識

聯牀風雨訂心盟

健銳營教場旗人順通款留甚歡因與訂交

碧雲寺

紺宇凌虛峙上方
盤回石磴入微茫
琪花璀璨三珠樹
法相尊嚴七寶裝
塔影層霄迷色界
磬聲別殿禮空王

螭頭一掬清冷水好爲詩人滌俗腸

杏子口山行

緩步尋幽處無妨伴侶稀林巒侵地盡雲氣挾山飛怪石當車轍句藤礙客衣琳宮何處是孤塔認崔巍

峯回兼路轉一徑入雲深桂子墮金粟泉流鳴玉琴天

風吹浩蕩煙樹鬱蕭森擬欲捫蘿上無如雨氣侵

擬遊寶珠

洞以將雨未果

寶珠仙洞杳下界滯行滕佛力馴龍象秋空健隼鷹雨

痕迷日脚風色感衣稜歸路攜詩句問天天欲磨

著墨復齋詩鈔

卷一

三

排空盤磴道又入散花天路訝峯頭斷人從石罅穿投林隨倦鳥躡影學飛仙回首下山路蒼蒼橫暮煙

棘園書懷

清秋萬里淨無埃猶是丹成鼎未開豈爲浮名誇射策恐教俗眼笑綳孩星臨北闕瞻天近雲擁西山挾

雨來醉後拈毫偏不厭高歌誰是謫仙才

廣寒桂子帶香飄竊藥姮娥點手招風靜月銜樓一角夜涼煙裊燭三條憐才有客張珊網得意何人品玉簫

我欲乘槎問消息鳳城清漏尚迢迢

平津策對首重搔矮屋論交氣愈豪絳樹雙歌清夜怨
銀河一綫碧天高疏簾暈月搖孤影旅髻侵霜感二毛
記取霓裳新曲好何須惆悵鬱輪袍
光陰羊腴詎相關萬事心輕祇等閒利市也應拋白紵
名場猶自夢青山憂深玉宇高寒外願結瀛洲縹緲間
海上成連應識我漫教風起引舟還
貞烈季蘭氏殉節詩

君不見女牀之星何晶瑩珠斗玉繩相映明又不見女
几之山骨嶺阮琪花瑤草非人間就中秀出女貞一樹

蓄墨復齋詩鈔

卷一

十一

聳蒼翠植向滄江之畔標靈異蘭家嬌女柔且婉幼嫻
節義寄情遠常從父舍問詩篇懶向妝臺描畫本自
月下繫赤繩畢世良緣締雀屏比翼生前事豈偶此心
之死抵堅冰無奈卓服肩輿夢兆奇檀郎一病竟難支
駕幃未挽同心帶雁柱翻彈寡女絲貞友聞訃心痛絕
淚染杜鵑枝上血鉛華不御肯人吞咽斷鉞鉞與金屑
續命湯瞋弱妹擎長生藥笑姮娥竊拌教摧折鏡裏顏
如花生不同室死猶得同穴又况冰上人來冰下語何
心重覓元霜杵揮刀截耳示不聞夏侯高風師令女是

時貞女志不移是時慈母忍相違是時孀姑哭亡兒天
桃花落賦于歸三日廟見酌郎墓手卸釵裙甘縞素紫
姑神感愈頭風黃鵠歌哀比薤露郎君待儂在南陌耳
血濺墳血凝碧女身未隨滄海波女心長比條山石親
恩代報矢終身何慮青蠅玷白璧豈知烈心未已貞彌
堅誓死相從赴九泉撒手懸崖可少延夜臺明鏡盼重
圓精衛銜石海可填茹檠含荼了夙緣七首珍藏尙枕
邊全歸合葬灌岡吁取義舍生拌就死爲貞爲烈孰能
比姓氏兒家是水香怪底香流清似水縱異同牢廖伯
昔墨復齋詩鈔

卷一

三

妻已非待字嬰兒子盟心一卷柏舟詩事處萬難成兩
美遺墨牀頭訴苦衷松筠志節光閭里漫言草長金萱
定忘憂終使花開玉樹成連理吁嗟乎綽楔雙旌表女
宗由來赴義貴從容長歌一曲增惆悵好待泥書下
九重

苦旱謠

丙子閏五月十日作

青天高風怒號豐隆屏息雨工逃造化何心弄狡獪旱
魃肆虐飛廉驕雲起雲沒草木枯焦杲杲紅日出層霄
君不見青天高風怒號

如何如何無麥無禾掃雲有帚揮日無戈農夫不得食
乞貸空奔波徒手歸來噤不語彳亍中田淚如雨
室有窖粟廩有耕牛罔利無術突出奇謀不作信天翁
卻爲無賴子奮臂一呼飢民蠶起擔負車推同辭鄉里
大戶括錢財小戶索粟米沽酒飲啜恣歡喜絕勝負販
逐市塵窮日招呼賣數錢

橐有糧輦回鄉囊有錢拌醉眠睡起一捫腹叫囂益威
武拋甄敲門如擂鼓主人逡巡不敢怒蜂擁入門雜遝
爭喧衆寡不敵潛逃鳴冤無奈告官官不問擲錢賞盜

蓄墨復齋詩鈔

卷一

置無論

晝耽鴉片夜踰牆狼子野心非馴良沿街十家九家竊
得物質錢索酒嘗里人苦盜捕役齊忙伺間縛盜如縛
羊前挽後推赴公堂長官大度示包荒一笑縱之俾遠
颺催科令行吾事了且博仁聲書上考
接靈牌何歡哈拜祈十日雨不來靈牌無靈真奇哉我
夢入天閭詠蕩天門開天帝命隨霹靂駕阿香推車爭
喧脛我攜天瓢且東走箕伯狂奔乖龍吼倒挽銀河瀉
地流喜雨亭邊酌大斗

詰朝得雨雖未霑足竊幸播穀之有望也再足一
入龍穴取龍子非帝命孰辦此折尾一掉陰雲四起淋
漓崇朝雨乃止涓滴潤甫霑已歡騰眉宇願龍一口吸
西江夜來甘霖沛下土

十二日夜半風雷交作大雨傾注因加額相慶喜
作長歌用東坡次章傳道喜雨詩韻

昨朝喜得廉纖雨澤潤稍甦生民苦無奈今朝赤烏升
依舊曠乾憂下土入夜黑雲蔽空來澎湃水聲互吞吐

蓄墨復齋詩鈔

卷一

五

飄師突出爭先鳴巽二前驅持白羽萬竅怒號天冥冥
拔木揚沙孰能禦憤施平地挾山威驚走廣寒修月戶
掀翻屋上幾重茅跋扈將軍傳自古上帝聞之赫斯怒
石闕早使女媧補特勅屏翳下天庭親駕雷車驅颶母
六龍鑿戰掣金蛇蚩尤終就軒皇撫不見宋都退鷁飛
旋規齊境商羊舞雨氣噴薄天瓢翻浪花滿地流鐘乳
我聞昔日昆陽大合圍虎豹股慄噤無語又聞牧野陳
師遽倒戈淨洗甲兵奉聖主是時箕舌橋不下流膏已
徧南東畝殷雷猶在南山陽仁見甘霖到亭午幸免流

亡繪鄭圖奚煩賑貸發天庾乘涼一枕夢遊仙天上圖
書窺紫府中有丹文綠玉章具言我 皇德施普但願
官方澄敘選賢能庶幾人樂豐穰不用武

呂公堂謁純陽像

一龕燈火孰名香寶絡珠幢禮上方歷劫仙曾登紫府
浮生夢未醒黃梁塵緣束縛詩懷減世故周旋羽客忙
我亦辭家來射策懶從卜筭問行藏

湖上漫興

挂甲屯邊路呼朋著屐遊帶波飛水鳥偃石卧金牛縹

蓄墨復齊詩鈔

卷一

五

縵三神島高寒百尺樓廓如亭上望得意豁吟眸

圓接清漪近高凌尺五天山光橫地澗橋影卧波圓亂

荇牽魚上殘荷藉鷺眠何當御風去直到翠微巔

水天橫一色萬象靜中涵夾岸青銅鏡連峯碧玉簪飛

流噴雪練菴畫寫雲藍興寄瀟湘遠此間秋氣酣

可望不可卽仙境儼蓬壺刈稻田開野霏衣水濺珠樓

臺輝紺碧荻葦戰模糊歸路松杉裏盤回磴道軒

由玉泉山迤東至青龍橋二首

蓬萊宮闕俯孱顏回首依依夕照殷一徑樹搖烏柏影

幾家牆露虎皮斑任教 蹕路埋秋草終覺行雲戀舊
山抖擻征衫聊小憩擬將粉本寫荆關
勝遊何憚路迢遙千尺清漣跨石橋對酒窗開樓四面
思鄉心繫柳千條金山聳翠開屏障玉水鳴琴靜市囂
值得騎驢還倒看山靈點手笑相招

于燕亭先生

昌耀

荆花館遺稿題辭

著述千秋業一門荆樹榮文章遺手澤孝友播家聲才
調今王孟鬚眉古性情滄江者舊盡展卷淚縱橫
不厭金鍼度彩毫終日揮杼懷規至性無縫卽天衣好

蓄墨復齋詩鈔

卷一

三

古苦生晚閉門甘息機風流誰繼起吟館認依稀
名場不得志韋布竟終身放意一懷古談心多故人縹
緗徵世守爛漫足天真收拾錦囊句珠璣字字新
七十逃名久蕭然祇放歌詩高窮賈島身是病維摩欲
接吟壇迹霜髭奈老何切廟煩詰嗣酬唱慰蹉跎

刁遵墓誌殘搨

遵字奉國渤海饒安人魏熙平元年卒

朝雍正間刁公樓耕人得此誌于刁氏墓中缺

其一角余獲觀拓本作長律紀之

一代忠貞裔千秋姓氏芳傳家崇節鉞累葉繼簪裳

經兵燹豐碑辨字行勳名重河朔世事感滄桑典午延

邦祚尚書仕建康江流浮渡馬國變歎亡羊處仲窺神

器臺軍散雀航劍揮三尺雪節凜九秋霜遵高祖協死王敦之難

逆黨爭函首臣家痛斷腸仇無天共戴志與鐵同剛詰

嗣尤英武專兵誓慨慷心甘鋒刃刺血祭墓門涼遵曾祖葬

手斬仇人頭以祭父墓子孝忠彌著威宣氣自揚酬庸輝節節作

收鎮徐方彝仕晉為侍中徐州刺史王室移鐘又新州伐荻忙始興

晉墨復齋詩鈔 卷一 七

勞輔相右衛捍戎羌技本呼盧慣錢誰代社償妖氛靈

寶息殺伐寄奴張遵祖暢見害于劉裕不礙乘舟載渾如卷簾

易名終遠遁違難竟來翔遵父雅為暢故吏所匿奔魏拓跋恢疆域

東安樹合望三州資保障四境頌循良奕世仍持節神

靈兆弄璋一門多繼儁五世更蕃昌大業襄元魏宏功

紀太常德標龜紐綰姻締鳳鳴鏘遵夫人同郡高氏司空文公允之女也

小節名違恤奇材器孰量揮絃覘吏治仗鉞固邊防歷

任登農貳均財飭紀綱台司昭駿烈上將拜龍驤族聚

條山遠恩流洛水長遵歷任魏郡太守轉司農少卿澤持節督洛州諸軍事龍驤將軍

民纔布惠慕化又開疆竊幸遐齡享偏教國老傷迷離

星隕石震悼日韜光倏爾摧梁木悽然問彼蒼飾終恩

寵渥加諡禮文詳遵卒贈使持節都督兖州諸軍事平東將軍諡曰惠畫像留蕃

服靈輻返梓鄉里原稱孝義阡合葬隴岡遵葬饒安城之西南孝義

里華表明丹旆悲風起白楊侯封傳子姓窆石煥文章

時代遙相隔風流憶早忘牛眠粉社外狐穴殯宮旁拱

木長楸盡平原宿草荒耕夫恣推發墓表觸硨磲洵洗

窮搜別摩挲認杏茫聲華欽闕閱什襲比琳琅齶蝕餘

斑碧毫揮搨硬黃旁稽微簡冊展誦倚筠廊紀載雖堪

蓄墨復齋詩鈔

卷一

三

證叢殘且待商前賢誰接跡縣胃湖封唐先澤流何遠

高山仰未遑古今一回首憑弔奠椒漿

春日書感

和戎本爲息征鼙竟許同文到泰西市舶居奇競淫巧

祇祠膜拜勝招提流行景教風誰靖舞罷天魔月又低

贏得使臣詩境濶乘槎高詠過巴黎法國都名巴黎斯同治五年斌友松

郎中奉命採西土

風俗徧歷英法諸國

津門鎖鑰控神京開府元戎仗鉞行海上屋籌朝飲

宴軍中烽火夜翻營屯田豈爲充囊橐僕射誰真託父

兄怪底巡邊勤簡閱 廟堂久倚作長城

勞心撫字亦徒然坐鎮從容任愈堅養虎幾人貽後患
帶牛何德配前賢一方保障資籌策四境流亡歷歲年
花落訟庭無箇事恤刑不忍用蒲鞭

坐齋持咒未全誣嘯聚真同虎負嵎赤郭浪傳吞鬼術
蒼黎爭貼辟兵符竟容狡免營巢穴翻使雕蟲笑壯夫
熟讀楚騷知愛 國書生甘効杞人愚

洪海樓抱硯圖爲少梁甥作

洪名福江
南江甯人

不使書家妙手空先生橐筆早從戎秀搜碑版神摩古

蓄墨復齋詩鈔

卷一

三

入握雲煙氣吐虹壯志拌隨班定遠舊交總戀石虛中
頻年幕府參謀畫萬丈摩崖待紀功

包孝肅祠

丁丑夏爵相李公因與公爲同鄉卽舊祠重加
修葺落成雨降蘆池內醴泉湧出足徵靈異茲
值廟市演劇酬神詩以誌之

舊祠輪奐復更新傀儡登場百戲陳祇爲文星明上相
人間纔解重鄉親

甘霖沛處醴泉生寫出臣心似水清人海喧闐偏不厭

池蛙原禁爲私鳴

肩輿珍重至今傳神座尊嚴薦豆籩畢竟難邀公一笑

河清須俟及千年

公至今方八百餘載

風鬟霧鬢互肩摩何處女郎聯臂過莫怪焚香爭膜拜

龍圖老子卽閻羅

觀劇雜詠

隱約珠喉一串調歌童初試舞衣嬌鈿車縱礙觀場眼
有美臨窗顫翠翹

高搭涼棚比柳營品茶香裏聽新聲昇平歌詠金吾禁

蓄墨復齋詩鈔

卷一

三

一笑桓温是老兵

列屢百貨萃如林花影隔簾深復深不怕公嗔關節到

大家虛擲橐中金

客至竟爲三日留攜壺貰得酒新筓鄉民愛看郎當舞

那管人家典敝裘

寄懷張漱雲表叔

曾浴

搔首雲天感不禁每從別後憶苔岑鱣堂造土憑量尺

虎座傳經細度鍼吟社應添聯句伴師門久愧受恩

深想君一曲薰風譜猶是成連海上琴

漫將枯苑問天工故我依然爨下桐芥蒂渾忘狎魚鳥
功名得失付雞蟲靜尋竹葉杯中趣香送薔薇架底風
無可持爲知己贈聊將俚句寄郵筒

讀船山詩草題後

健筆凌雲得自天風流京兆憶當年三生早遂登癡志
半畝曾無負郭田賜硯眞如留玉鏡妝臺且共擘吟箋
聯牀清夢梅同瘦俗累消除卽謫仙

虎豹叢中倚劍過崎嶇萬里走關河疏財家世忘生計
中酒情懷祇放歌遣興句餘奇氣在思鄉愁比亂山多
蓄墨復齋詩鈔

卷一

三

縱然仕宦抽簪好奈此清風兩袖何

讀船山詩草題後

健筆凌雲得自天風流京兆憶當年

半畝曾無負郭田賜硯眞如留玉鏡

聯牀清夢梅同瘦俗累消除卽謫仙

蓄墨復齋詩鈔卷二

長蘆 王培新 造周

孝女馬慶翠輓詞

皖水流芳毓秀靈曇花頃刻現娉婷部民久晉黃堂頌
嬌女親傳絳帳經妝閣依稀留月鏡珮環隱約渺雲駟
姮娥已去人間世曲奏霓裳未忍聽

謝傳庭前詠絮才寢門曉啟問安來股刲和藥擊金盃
身代呼天瑣玉顛猶憶高堂供色養那知薄命赴泉臺
女兒花好留難駐苦雨淒風幾度摧

蓄墨復齋詩鈔 卷二

庭階九月早驚霜零落秋心折海棠字學簪花餘斷簡
詞工賦茗憶吟香親闈穩植恒春樹繡榻誰斟續命湯
如此才華偏不壽由來缺陷是穹蒼
生小曾經大母憐板輿隨侍正芳年扇頭競畫乘鸞女
屏背虛留射雀緣顧影在拋茗玉佩前身原是蕊珠仙
瑤臺駕返知何處月落津沽路杳然

七夕

盼到佳期恨倍牽盈盈一水別經年稀聞青鳥傳消息
祇爲黃姑欠聘錢入世空談無我相前生悔住有情天

盧家白玉堂何處隔斷銀潢劇可憐

晚眺

西風吹落葉飛墮酒人頭來雁渺何處長河無盡流夕陽斜在樹野色遠含秋極目蒼葭外蕭閒數點鷗

中秋不見月

一雨入秋深吟蛩鳴復歇閒停石上琴坐待窗前月美人竟不來頓覺音塵闕會當掃浮雲清影散林樾

秋夜

涼夜苦無寐偏教吟興豪燈殘霜氣逼風靜杵聲高遊
蓄墨復齋詩鈔卷二

女漢皋佩美人金錯刀相思不相見天外聽雲璈

于阿璞表叔

光褒詩稿題詞

蓬廬息影稱閒身珠玉揮成別樣新綵筆一枝花入夢
詞壇卅載墨磨人縱教屈宋稱前輩肯與齊梁作後塵
天籟自鳴天趣永當頭明月爲傳神

悵望音塵乏蹇脩無端興寄到紅樓華堂頓觸丁年恨
樂府新翻子夜秋流水落花皆妙諦美人香草半離憂
詠諧卻笑東方朔熟爛仙桃手暗偷

鍊石真堪補化工靈犀一點自相通興懷暮雨朝雲外

得味薰香摘豔中別調特標貞女節悲歌甘効布衣忠
長城健將分明在祇恐偏師未易攻

良辰不負奈何天抽出情絲幾縷牽未種碧桃凌汗漫
閒拈紅豆寫纏絲溫柔纔得風人肯解脫還參雪竇禪
擬共西山一樽酒石頭高枕夢遊仙

秋齋漫興

蕭齋寂靜耐盤桓盡炎涼心轉安妙解每從琴外悟
好花偏愛鏡中看湘江水濶魚緘杳秦塞風高雁影寒
舊恨年來拋得去浮雲變態總無端

蓄墨復齋詩鈔

卷二

三

公車十上亦何求淡寫孤懷到筆頭名士讀騷還痛飲
瘦人如菊不知秋偷閒覓句增新課入畫看山當遠遊
回首蓬瀛天萬里五雲高處是瓊樓

書傭

海上仙山未易逢詩人老尙困書傭經秋倍惜花痕瘦
入夢纔知酒味醜千里碧雲橫斷雁半窗斜月咽寒蛩
拈毫別擬閒居賦潘鬢蕭疏攬鏡慵

西征曲

逆回金相印等據喀什噶爾作亂左爵相督師

西征年餘尙未克捷識者憂之

關中殺氣連雲起洗兵費盡八川水秦塞纔掃烟塵清
花門遺種餘封豕督師矯矯人中豪建牙吹角天山高
任教賊虜如蝟毛穴中豈容螻蟻逃

憶昔王師征不庭回首震懾驚雷霆和卓祖孫膏斧鑕

指平定霍集 占張格爾事 倒挽玉河滌羶腥祇今玉門列亭障師老

空侈軍容壯何日長歌入漢關飛芻輓粟青天上

羽扇指揮小諸葛聲威能使虜氣奪撐拄新疆半壁天

豈知事會多輻輳籌餉無策乞貸頻豺狼奔突恣紛紜

蕃墨復齋詩鈔

卷二

四

卻羨天驕兵食足凱旋鼓吹迎將軍

俄羅斯國大將高福滿新平霍罕拓

地數千里

健兒帳下悲輿尸老臣盡瘁 九重知瀚海驚沙撲入

面不破樓蘭無還期悲風四起明駝嘯軍臺連歲苦征

調強鄰虎視尙眈眈忍上泉蘭縱遠眺

戊寅初春述懷用李銳巔先生題蕃墨齋詩原韻

韶華淡宕媚晴光總是吟魔寄興長酒味祇耽醅醲美

禪機懶證木樨香二分春淺花容瘦三徑風尖露氣涼

漏洩幾時生意足綠章夜奏問東皇

艱辛閱盡轉怡然早種芭蕉補綠天忘世纔能知正味
出山難更覓清泉幾番歲序催人老何處樓臺得月先
繡罷鴛鴦鍼再度嫁衣壓線自年年

及第虛誇鏡裏蓉芸臺飽試墨華濃讀書尙友人千古
入畫名山翠幾重把臂同參無上諦置身合在最高峯
夢蘭佳兆知何日聊撫階前摩頂松

說到登臨眼便開湖山勝蹟夢中來曉風細拂蘇隄柳
香海濃添鄧尉梅臘屐尋芳隨處好蕪訶脫稿稱心裁
看花埽徑渾無事且共羊求翦草萊

蓄墨復齋詩鈔

卷二

五

感事四首疊前韻

鰕生未與試明光偏爲時艱引恨長金葉表稀通上國
米囊花忍嗅餘香三邊月冷空沙漠七萃雲屯控雍涼
誰縛蚩尤銷毒霧指南華蓋護軒皇

銘功何日勒燕然手障西陲半壁天傳箭久聞踰裏海
佩刀空羨涌飛泉漫言鐵鑄三朝錯須識棋爭一著先
憔悴孤臣雙鬢雪懸軍列戍已經年

晶箔愁看陰綉蓉口宣十誠話初濃利歸胡賈兼三倍
圖寫流民隔九重徧野嗷鴻無樂土羣雄立馬尙高峯

移家合共陶宏景早買青山學種松

當時洋禁是誰開海上鯨鯢捲浪來未許當門鋤蔓草

何勞調鼎藉鹽梅任教政府持和議終是蒼穹妙主裁

一洗妖氛天宇淨萬年枝本植蓬萊

喜聞西師報捷再疊前韻

功名終付魯靈光都護安西策畧長千里疾驅朝度磧

九重默祝夜焚香憂思宵旰宮花老血戰河山塞月

涼一自饒歌馳露布稱觴獻壽賀今皇

漫詡長蛇比率然八城席捲渺胡天梟倖快試屠鯨手

蓄墨復齋詩鈔

卷二

六

奏凱還過飲馬泉絕域銘勳誰載筆窮番屏息敢爭先

指布魯特諸部玉關生入臣心瘁定遠封侯已暮年左爵相以功晉封二

侯

天山高聳列芙蓉埽盡花門妖霧濃唐將挂弓收九姓

逆酋棄甲積千重沙場罷飲葡萄酒候火全銷苜蓿峯

一樣圖形上麟閣歲寒纔識後彫松

萬幕平沙府再開牢之贊畫總師來謂劉公錦棠前驅入險

爭捫葛詭計行軍笑望梅將士同心真義勇兵機決勝

本心裁旋歸合上營平議拓地屯田關草萊

賀于阿璞納妾

美人妝罷要詩催，瘦倚吟窗拂玉臺。
帳暖芙蓉春夢穩，不煩紅葉作良媒。

餞春詞

纔看柳條青，春又何處去。
問春春不知，飛墮烟中絮。
流年似流水，春色到誰家。
寂寞庭前樹，鶯聲啼落花。

喜雨行

曉風獵獵吹黃沙，窗隙紙破鳴胡笳。
向晚飛廉怒不息，餘威猶似迴飄颻。
萬民呼籲祈降澤，依然赤日明彤霞。
蓄墨復齋詩鈔

卷二

七

涸轍魚枯不得活，西江莫決空咨嗟。
上帝好生無棄物，油然天作陰雲遮。
急揮雨工下天闕，雨腳倒垂村樹斜。
紋細不煩天孫織，絲絲灑成五色花。
始猶涓滴繼傾注，流膏行見盈坳窪。
箕伯避躔噤不語，須臾潤遍禾與麻。
布穀聲中叱黃犢，秋熟汗邪收滿車。
民力旣窮天意轉，循環之理無少差。
龍鱗壤繡苗肥豆，燕尾渠開蔓引瓜。
我今種花攜鴉嘴，萬卉齊抽碧玉芽。
早起欣看生趣足，溪頭閣閣聽鳴蛙。

夏日漫興

熟梅好天氣一雨抵新秋長日苦岑寂名山祇夢遊光
陰真過客身世寄閒鷗且覓浮生樂疏簾不下鉤
世態炎涼換看花聊自怡砌松排麈尾籬豆簇蛾眉蝶
老添新粉蟬吟笑別枝守株參妙悟已是忘蹄時
浮雲自來去寄傲倚匡牀啼鳥踏花影蘚階生暗香荷
風清曲院草色淡斜陽莫笑嬌棠睡龍鬚引蔓長
不放紅曦入蕉天密布陰淡烟低竹榻流水寫琴心滿
挹中山酒高歌梁父吟桃源容再訪物外愜幽尋

哭蔗泉叔

蓄墨復齋詩鈔

卷二

八

處世貴勤儉如公何太勞寸心爭鎖眉精力竭錐刀未
遂功名願偏教因頓遭家貧殮具薄誰與贈綈袍
布被餘何有黔婁劇可憐承祧無稚子撒手去重泉自
繼旁支嗣翻荒冷硯田一棺聊避債長此謝牽纏
新桂米珠歲稍欣館穀豐善人天不佑薄命藥無功身
世飢寒累平生友愛衷本來恐乖俗灑淚到兒童
卧牀纔五日病骨竟難支磨折幾番歷拮据空自知蹉
跎過花甲冷落此書帷地下應銜恨寒家孰與持

笠人叔赴浙擬由津門附輪舶南下尋因病旋里

遽歸道山作詩哭之

幾日臨歧別胡爲抱病歸才高天每妒命蹇計全非擬
遂利名願無如心事違蓋棺誰視舍小斂檢征衣
竟欲乘槎去豪懷壓浙東憂思安雀舫魂早失蛇弓大
廈支誰賴重泉恨未窮首仰尙浮厝咄咄問長空
荒村風又雨草草卜牛眠技本屠龍就身偏作蠶纏纒
簾吹別調婚嫁畢何年兒女團圖坐挑燈戲籀錢
少年同硯席老並歎無成袂自竹林判杯空蕉葉傾頓
禪聊復爾蠟屐倦孤征欲續招魂賦吟蛩訴不平

舊墨復齋詩鈔

卷二

九

卽景

未雨涼如此懷人理素琴鳴蟬下高樹一徑生秋陰院
靜情何著簾疏影愈沈海棠消瘦甚零落不勝簪

無題四首

懸圃逍遙別有春聊尋絮果問蘭因擬隨鳳翼朝金闕
無那蛾眉妒玉人夢裏黃梁誰度世人間碧海又揚塵
王昌悔傍牆東住回首流年一愴神

已墮情天第二重梨花偏恨月溶溶薰籠夜靜添香坐
半臂寒生酌酒慵枕畔尙留銀的礫帳中虛煖繡芙蓉

劉郎自結遊仙契不憶天台別後蹤
升沈何必問靈著去住無心兩不知
漫竊蟠桃逢小謫
須知芍藥是將離
鴻鷺瞥見翩翩影
蠶老還抽乙乙絲
翻出霓裳新度曲
重遊惆悵隔年期
梅子含酸仔細嘗
蕉心剝盡尙餘芳
多情孰贈長生藥
歷劫猶存結願香
日暮有書來闥苑
雲行無夢到高唐
瑤池宴罷須臾事
笑指羣仙鬢髮蒼

一
排悶

逃名何必效韓康
萬事隨緣付渺茫
天上遊仙原是夢
蓄墨復齋詩鈔
卷二
十
人間癢恨本無方
閒收風月供詩料
輕到王侯稱酒狂
一醉膏騰應化蝶
那知塵世有炎涼

初夏遣興

韶華如逝水
別我去匆匆
世味酸鹹外
心期冷淡中
移花晴待雨
看竹笑臨風
幾日生機引
滋培祝化工
把卷破岑寂
槐花猶未黃
新荷團曉晝
露密樹散斜
陽蝶撲輕羅扇
龜支局腳牀
筍厨風味好
欹枕夢江鄉
青山應笑我
五十未逃名
誰解琴中曲
空談紙上兵
野雲低有腳
流水澹無聲
莫問彈碁局
中心獨不平

魚豈忘筌得翁真是信天窗明降野馬院靜響新蟬對
鏡愁搔鬢調琴誤改絃祇餘杯在手米汁卧參禪

升天謠

電氣傳線元氣結毳騰身直上凌雲遊葡萄美酒玻璃
甌繩牀布袋堆兩頭洋人七尺何昂藏蓬頭突鬢青瞳
方排空馭氣坐中央思乘白雲歸帝鄉鼓風雷勢攀日
月輪列子夸父相追奔豈知青蒼一氣杳無垠手捫不
見參與辰置身未到兜率宮呼吸安能與天通罡風吹
落勢何雄轟然墮地聲隆隆吁嗟乎鬼工弄巧竟如此
蓄墨復齋詩鈔卷二

十一

等閒遊戲洪濛裏輪舟激水水浮舟奈何躡虛拌一死
美前總統格蘭脫印像歌

美利鴛國幅隕長邦基鞏固比金湯天生偉人壽而康
昔居鳳闕今龍翔八載期滿去巖廊幡然遊覽窮還方
山不須梯海可航地球遍歷樂無央憶昔英人關土泊
風檣據地開屯儲糗糧無奈斂重民奔忙誰爲請命拯
流亡華盛頓起弓挽強義旗一舉勢莫當血戰八年兵
氣揚大不列顛即英吉
利國走且僵強鄰勸和議畫疆躬膺
神器符民望君不世及選賢良二十六部齊奉觴百年

勝會慶熾昌總統意氣尤激昂南征不庭靖跳梁萬民
擁戴推眞王旋軍解甲坐堂皇宵旰憂勤飭紀綱民殷
物阜迓休祥大風表海眞泱泱一自瓜代辭廟堂遨遊
直欲周八荒先及甌洲次越裳旋來香港停艤艗朝臨
滬瀆望江湘京國又見促征裝弱水蓬萊一葦杭要從
神戶窺扶桑點石主人榻硬黃寫茲眞面憑參詳鬚眉
如生戟怒張神采奕奕青瞳光吁嗟乎秦政巡行不自
量穆滿八駿亦荒唐聞君此遊喜欲狂功成身退恣倘
佯我欲從之探異鄉乘風破浪凌蒼茫有筆欲投投未
蓄墨復齋詩鈔

卷二

十二

邊書生七尺空昂藏

舟泊紅橋

一水茫無際紅橋雁齒橫
河流連蜃氣市舶沸入聲
旗曳釐金局軍屯細柳營
維舟聊醉卧壘塊未全平

舟行口占

報曉雞纔唱揚帆快溯游
波回侵岸窄舵轉帶星流
宿鷺閒依渚驚魚躍入舟
乘風同破浪一路問瀛洲

欲醉不成醉村醪隨意
洁水天涵雁鷺雲氣
壓菰蒲旅夢殘
還續漁燈淡若無
宵深停客棹
暫息榜人呼

棹歌聲裏野雲低，宛轉汀沙路欲迷。五兩風輕吹細雨，

遠山一抹綠楊西。

蓼花數點逗疏紅，十里烟波杳靄中。河水自流魚自逝，

渡頭閒煞信天翁。

法源寺

卽唐憫忠寺

擬訪禪僧問法華，忠魂空悵化蟲沙。模糊字跡留唐碣，

敕賜經幢出內家。高閣久頽雲半鎖，戒壇深掩日初斜。

那知佛號鐘聲裏，天女如蓮尙散花。

蓄墨復齋詩鈔

卷二

祕魔崖訪盧師遺蹟

十三

山空人跡稀，看山目易眩。梯田畝縱橫，林麓花爭絢。徑

轉疑路無石磴，俯深澗數里。入寺門松偃，牆腰見山僧。

導我行，周覽空王殿。紺宇何崔巍，迤邐過竹院。仰瞻琳

宮旁懸崖，出天半。古洞深且幽，佛座白石爛。侍立大小

青餘香，猶在案。龍池水不流，短柏留石面。是師手植，跡

千載無更變。須臾日西斜，人似鳥飛倦。歸去足力疲，連

峯互隱現。犖确徑紆回，微茫通一線。稍喜潤渴腸，禪房

恣茗戰偷得。半日閒浮生，復何羨。

題旌廉浦 額禮 石門閒詠卽以誌別

蕭閒杖履此傳經
蠟屐尋幽度畫屏
日暮山連 陵樹
遠秋高天入石門
青胸無障礙詩纔好
筆吐烟霞酒半醒
欲繼勝遊偏易倦
那堪風笛又離亭

擬韓退之秋懷十一首原韻

以下五題係天津吳摯甫太守觀風作

西風撼空林庭草猶蕤蕤
枯菀各有時感遇情何已
坐我讀書牀偏攪幽人耳
泠泠吹我衣不覺卧還起
桃李盛芳年顏色原相似
一自遭摧折榮華安足恃
烈士遲暮時閉門且掃軌
閱世如觀碁敗亦欣然喜

著墨復齋詩鈔

卷二

十四

露白初凝霜萬物傷
惟悴青青園中葵
黃萎已盈地秋高
鵬鷲飛得時任縱恣
有志毋相強衆生氣類異
誰甘卑我躬折腰事權貴

貞女羞自媒娥媼徒靡曼
君子能固窮脫粟聊餐飯
惜哉知音稀安能適我願
舉杯不停揮孤影何用勸
涼宵理素琴座擁卷盈萬
槐黃落不收懷玉悔廷獻
惆悵團扇捐秋冷班姬怨

秋氣一何肅嚴威日相凌
寒蟬自守默附驥嗤營蠅
所嗟俗人眼與世殊愛憎
回首望 京華浮雲蔽 觚稜

空潭水清淺魚強半脫罾不作臨淵羨無好非無能
士窮多悲歌書銘用自警眇茲樹婆娑生意乃彌永平
心觀物化淡泊祛豪猛由來柔摧剛斷幹憑單練人生
得讀書乃真邀天幸把卷秋樹根澄懷萬慮屏

簡冊供爬羅焚膏繼日景唧唧西窗下蟲鳴月初罔得
失不相關無心記榛梗擲筆入秋空興豪辭益騁多文
富縹緲何事奉朝請

院宇浮秋陰虛堂半明暗息影掩柴關捫心了無憾黃
葉下庭柯遠山易窺瞰得意坐忘言漸覺世情淡傲倖
蓄墨復齋詩鈔

卷二

十五

登青雲反嫌吹竽濫夏蟲難語冰生機有常暫移我書
畫船放泊不須纜寒窗絕纖埃丹黃恣點勘何必霑微
祿祇儲二斛甌

轉瞬隙駒逝秋日過楹軒流光苦難挽夸父空追奔坐
中有佳客談笑無陳言把臂探藝圃神遊巢燧前腐儒
老章句研窮廢眠餐危坐祇搖首兀兀手一編我亦耽
文字撐腸卷五千傳經學劉向冰案耐辛酸說詩攜匡
衡便腹但寔眠匆匆又歲晚倏逾知命年

凡竹鮮秋實枝枯露葉乾美人下雲際贈我青琅玕我

欲挽鶴駕留織窠錦團謂我乏仙骨肩隨僅劉安且驅
雞犬去銀漢靜無瀾霜天秋益高弄月如弄丸差勝風
雪中覓詩據吟鞍

嗟予寡兄弟愁聽斷雁聲夜涼羣籟寂寸心孤月明忽
抱杞人憂報國抒丹誠祇恐管窺見測海蠡易盈儻寄
寸尺柄胸誰富甲兵乘風兼破浪不爭節鉞榮長纓繫
虜頸指臂孰使令

傲霜東籬菊晚節香愈好小草柔脆姿何苦出山早升
沈一任天令名庶長保發榮會有時助長苗乃槁流水
蓄墨復齋詩鈔

卷二

十六

寫秋心難爲外人道

海防五十韻

幟幟華夏廣鎖鑰

聖治敷無外煙氛靖海疆

水天長貢舶同寰宇滄瀛拱

帝鄉螺舟爭效順

鳳闕樂輸將共沐

湛恩濺欣瞻

寶錄昌陽

侯應忭舞

廟算益周詳

耀德兵何用銷萌患

豫防節旄資巨鎮南北控重洋勝國宣威遠蠻邦納賚
忙瓜哇曾入覲蘇祿亦來王受賞榮冠冕臨朝飭紀綱
鱸橫猶未肆鯨比詎相忘就日招他港流風動異方自

從濠鏡棄難禁，鬻帆張並駕。雙輪駛真如一葦，杭凌空。
豐羽翼隨地泊，舳艫何術驅妖鱷。當途卧餓狼，澎湖憑
竊據。倭寇更披猖，天聖世珍符握，威聲幕府揚。洪濤

澄貝闕，澤國固金湯。畫界依天塹，沿壩築石塘。瓊臺分
保障，渤碣蔽敬堂。皇梅嶼瀾回，紫榆關月浴。黃蒼鴟聽叫
嘯，白馬走迷茫。慕義奇肱士，安居宵目商。已經消殺運，
豈廢整戎行。服役收黔卒，羈縻到渴羌。氣吞魑魅否，陣
蕭鶴鵝剛。霜刃羣磨劍，星旗正吐芒。前驅馳鐵騎，小隊
列銀槍。士奮凌波勇，謀規背水臧。豹韜籌策密，犀甲挽

蓄墨復齋詩鈔

卷二

十七

弓強鼓浪蛟，蚪懾含沙鬼。蟻藏鮫宮空，落際蜃氣靜。扶
桑爵相尤神武，熙朝倚棟梁。有軍皆虎猛，無將不

龍驤。哨藉飛鳥迅，都誰落雁當。營開新壁壘，城浚舊池
隍。養銳修機器，屯田峙糗糧。音傳驚電掣，水激駭雷殛。
併力恢孤米，偏師出樂浪。鐵沈神戶鎖，壺獻島夷漿。馬
首齊崩角，鼇頭定扼吭。遠人拜跼注，何日起牙璋。倚角
聯申浦，饒歌報未央。檄飛圓嶠外，銘勒析津旁。指
使廉頗勇，膚功吉甫彰。河流噴雪練，沾上繫風牆。

化播金甌奠

時雍玉燭光，卽今清晏頌。萬國仰

垂裳

感事八首用杜工部秋興詩韻

昨宵霜信醉楓林
顛宇蕭然萬象森
爨下焦桐誰顧曲
窗前幽竹自成陰
時窮不減敲詩興
命蹇空餘獻賦心
世事浮雲多變態
愁聽隔院擣衣砧

當筵舞雜白題斜
閱盡滄桑感歲華
藏垢教堂宣木鐸
聚財胡賈泛星槎
健兒下馬吹橫笛
絕塞連營冷暮笳
若使牟尼能度世
不應仍放米囊花

老樹空庭挂夕暉
婆娑生意已全微
重城竊據狐偏穩
蓄墨復齋詩鈔

卷二

十八

大野哀鳴雁尚飛
牙爪養成終搏噬
瘡痕未復莫依違
浮家合理松江棹
鱸膾親嘗斫玉肥

漫言勝敗等觀棋
搖落還深宋玉悲
循例難邀恩破格
看花祇愛樣隨時
雞窗獨契談元妙
駒影頻憐過隙馳
自笑書生無遠略
陰憂常繫廟堂思

巖疆形勢枕南山
得失機分轉瞬間
星使久勞持漢節
天驕何恃踞雄關
詎嫌逆黨遲回首
徒悵胡塵瘁旅顏
差喜燕然銘勒處
封侯定遠共推班

東華舊夢憶從頭
憔悴西風太液秋
荊客自應懷璧隱

杞人偏好替天愁，高翔烏拉嶺邊鶚。
冷落混同江上鷗，祇恐強鄰窺漠北。
早教聞帥出營州。

請纓何處再論功，効順波臣駭浪中。
長倚神山欣戴日，那知海扇慣乘風。
層樓蜃吐雲橫碧，故國鶻啼血染紅。
欲下東瀛埽鯨穴，虬髯俠客已衰翁。

客氣消除自坦迤，化龍杖杳剩平陂。
青藜有燄輝千卷，丹桂無緣孕一枝。
中酒誰知心淡泊，鋪糟懶與世推移。
芋煨日撥寒爐火，遑計勳名竹帛垂。

雪詩用歐陽公聚星堂禁體原韻

蓄墨復齋詩鈔

卷二

十九

檐頭飄管添霜萼，料峭北風透帷薄。
滕六有心弄狡獪，大地迷漫雪初作。
梁園舊客倚寒窗，乾坤凍鎖真寥廓。
中庭作態逐回飈，一盞吟燈猶閃爍。
冰案坐覺衣袖單，祇宜浮白傾鑿落。
空林瑟縮卧棲鴉，野徑蕭條殭睡貉。
何待手團成虎兇，松檜條封競拏攪。
城市模糊擊柝稀，報時仍藉知更雀。
江上雲低壓釣舟，階前泥滑露芒屨。
潁州老守擅才華，賓朋滿座自行樂。
一曲陽春索和章，活火爐紅茗誰瀹。
我今夜半且高歌，銀海花生驚漠漠。
白戰不須寸鐵持，賦詩何用豪橫槩。
新醕有酒潤枯腸。

醉後膏騰恣吟嘯

平定新疆頌

并序

洪惟

聖天子膺圖御宇

輯瑞凝麻玉

燭均調金甌永奠播

皇猷於域外寰海之

鏡常清銷殺氣於關中泉蘭之山罷戰三光効

順萬國來同無事

推轂以出師且將

修文而偃武矣爾乃天狼星動狡兔窟營異類

生貔巖關踞虎多方烏合花門之遺種偏滋恣

意鴟張和卓之宗支互煽布魯特乘機構釁安

蓄墨復齋詩鈔

卷二

二十

集延妄冀開疆遂挾同逆回金相印等陷哈什

噶爾以興戎併烏魯木齊以肆虐天山北枕十

餘年竟任縱橫瀚海東連三千里均遭蹂躪儻

或漢關逼近逆酋固在所當誅卽令戈壁潛踪

天討亦難容負固

皇帝於是赫然震

怒奮然興師仗

列聖之

神靈遵

兩宮之

睿斷爰

命督辦新

疆軍務

臣左宗棠帥虎賁之士翦蠶食之凶摧

螳背之鋒拔狼頭之燾建牙開府吹角當城有

將皆飛無堅不破運籌決勝皆知諸葛威名扼
要爭奇已斷匈奴右臂甫揚兵以北定旄捲甲
以西馳五道交攻雷震地而雲合八城迅掃火
炎岡而石焚應龍之翼不張妖鳥之巢遂覆築
鯨鯢爲京觀噍類無遺擒螻蟻於穴中駢誅殆
盡挽玉河而洗甲窮番乞命以投誠收鐵勒而
掛弓壯士長歌以奏凱是蓋由我 皇上馭

將有方知人善任故能膚功克奏指顧蕩平此
所以寰宇無烽燧之驚 國家慶苞桑之固也

蕃墨復齋詩鈔卷二

二十一

微臣

草茅伏處 蓬觀未窺縱非橐筆以從戎

竊願揚芬以搞藻謹拜手稽首而獻頌曰

維 皇建極實邁前朝蘿圖席瑞 聖武布昭建

旄設旒怒繕招搖任寄專閭疾馳星軺章矯矯督師今

之方叔師出玉門軍嚴令肅卧榻之間豈容他族絕險

旣踰犬踠叱伏章蠢爾回衆鹿鋌斯奔逆黨煽亂蟻聚

蜂屯火州淪陷挺戈震鄰哈城竊據撻伐是申章狡焉

啟疆惟阿古柏懾以雷霆羣奸褫魄節相總師月卿籌

策 天威肅將厥聲赫赫章簡我精銳宣武揚鉦風

馳電掣疾掃欃槍既通東道乃拔西城蚩尤就縛毒霧

永清五章剿撫兼施惟勇惟智械貳負尸滌腥羶氣鹹醜

挫寇稽顙請吏掃穴犁庭遂一候尉六章繫昔霍張狂悖

相仍祖孫授首戎狄知懲我君繼體祖武

克繩強鄰窺伺何隙可乘七章元后直聰推心

置腹將士同仇復我疆土飲至策勳七德斯舞日

月照臨光昭千古八章

暮春卽景

鎮日尋春欲歸半簾絮影雪霏霏銀塘水靜魚吹浪

蓄墨復齋詩鈔卷二

三十一

畫檻風高蝶曬衣結願三生香未燼遊仙一枕夢全非

焦桐諒少知音賞落實琴絃手自揮

丹山何處鳳將雛靜掩柴門耐守株燕羽拋殘開作翦

鮫綃織就泣成珠祇拈花月題詩句誰許功名到酒徒

一度韶華留未得又聽野鳥勸提壺

西陲

西陲殺運未全收長倚天山據上游驛使已慚蘇武節

戎王誰斬郵支頭防邊猛士稱戈待橫海將軍借箸籌

朝議紛紛談戰守何人真紉廟堂憂

九日偕董雲橋慶山李德圃心省河干閒步

迤邐城隈接水隈登高何處望仙臺人家野圃留殘照
高廟遺碑鎖舊苔廢塚難平黃土恨浮雲錯認白衣
來同歸促坐拌同醉倒瀉長河入酒杯

輓劉雲章表叔

伯蒸

少年鬢序早知名浪跡歸來尙筆耕共許文章真國士
應憐友愛篤衷情窮途無術謀生產詞社聯吟失老成
斷句零章飄散盡九原遺恨總難平

蹉跎身世亦何求終負才高第一流醉眼膏騰聊中酒

蓄墨復齋詩鈔

卷二

三三

形骸放浪不言愁避名有志偕禽慶垂死無兒哭鄧攸
差幸公門桃李盛送君歸葬卧山邱

秋齋雜詠

蟋蟀聲淒不忍聽秋花數種護簾篁一籬紫豆尖尖過
獨立柴扉作畫屏

園林雨露荷天工落莫生涯冷硯中枉說葵心傾向日
祇今憔悴倚西風

團扇無心怨棄捐芸窗醉倚晚涼天卻憐駒隙匆匆過

卧酒吞花又一年

葉落空庭靜掩門一編兀自坐秋根古槐疎冷餘清蔭
借與棲鴉育子孫

待免依然耐守株月明涼露下庭梧殘荷欲折還愁折
恐惹珠傾墮地無

悵望千秋問古人相逢曠代孰相親中條山色青何在

差喜陽城是舊鄰

城北有地名條山相傳卽陽城
陰處其實僅一斷隴並無山也

雕蟲小技競紛拏幾輩羣推著作家悟澈眞詮忘文字
不須箋註到南華

舊巷烏衣絕點埃碧雲低處是蓬萊漫愁青鳥無消息

蓄墨復齋詩鈔

卷二

二十四

斜字一行鴻雁來

劉守眞廢祠

神亦闕興廢荒祠古渡旁頽垣歛斷碣衰草隱斜陽秋
老雁鴻叫園空狐兔藏天花何處落隔院是禪房

有感

寒窗無意理琴絃偏是黃楊厄閏年陳跡遠尋桃葉渡

賞心虛過菊花天傷生弔死關懷久斷句零章和淚編

悼笠
泉叔

惆悵烏衣零落盡不堪重問舊青氈

豈但江淹是恨人廣寒宮闕隔音塵夢中幻影遊仙枕

世上風波妒婦津投筆難乘雲出塞點頭祇愛石爲鄰
年來閱盡滄桑變懶向蓬山證夙因

信有人間行路難思親空悵墓門寒枯椽未飲腸先斷
風木無情夢易闌夜永怕聽雞唱早霜高偏逼雁行單
及時捧檄推毛義忍脫萊衣博冷官

漫將枯菀問天工瞎馬臨池路不窮抱璞終憐和氏璧
頻年悔失楚人弓吟懷握月擔風外世態翻雲覆雨中
一自平心觀物化放言何事附任公

春郊卽事

蓄墨復齋詩鈔

卷二

三五

出郭全教俗慮刪女牆回首尙彎環沿溪楊柳春風輒
滿地榛荆世路艱茅屋幾家臨衛水隱居隨意訪條山
杏花籬落門雙掩錯認陽城此閉關

人間萬事日悠悠破寺荒涼感舊遊華表仙誰遺鶴跡
上方路遠隔麟洲村花墮地因風起春氣如雲擁樹流
莫笑接羅還倒著高陽池醉酒初筩

龔雲峯

駁香

詩稿題辭

表

未

詞人失意困寒甕感慨全憑綵筆傳何事新奇矜腹稿
獨搜神妙入毫顛虛窗綠草吟風地故國黃梅聽雨天

幾度味君詩裏畫前身合是李龍眠
繡出鴛鴦尙度鉞軍門長夏漏沈沈看山不減登高興
閱世全消附熱心醉把酒卮欣得句交遊塵海幾知音
無端竊試披沙手細揀都成百鍊金

都元帥古印歌

并序

壬午春滄州舊城居民掘地得古印一方篆文
爲都元帥府之印六字土人不知珍惜乃碎而
瓜分之州主怒其損壞古物大加朴責眞破印
於庫考金貞祐元年元兵取雄霸莫安滄景等

著墨復齋詩鈔

卷二

二十六

州時元太祖八年也尋因得而旋失乃置行司
於滄州以鎮撫之十一年冬宋京東安撫使張
琳以京東所轄郡來降遂以琳爲滄景濱棣等
州行都元帥蓋去今已六百餘年矣古印出而
遭劫爰作長歌以誌慨

橫洶舊治唐清池節使高建將軍麾程氏祖孫世相龔
四州坐鎮驅熊罷寶厯以來爭竊據軍中廢置如弈棋
戎幕儼然擬宮闕聲威不假天王旗下逮五季互吞噬
沙蟲入土埋缺鉤十萬橫磨劍不利攻奪誰復分華夷

柴皇奮武嚴斥堠狼烟臺築何厓屨魏州聚鐵噴鑄錯
洪爐大冶鎔神獅趙宋南渡鐘虞移蓮花寶座嗟傾欹
鐵錢塵埋字漫滅故趾猶似明堂基蒙古挺戈起沙漠
狼頭轟建來西陲居庸關門失鎖鑰中都殘破戎馬馳
金源鞭長不及腹汴京一去無還期未覩白燕臨安入
已是紅羊換劫時東平元帥甘伏雌清城義軍悲輿尸
誰豎降旛作降虜京東安撫張敬兒紅襖賊退宋人來
手綰符印充行司滄景濱棣歸統帥軍府廢興皆如斯
此事去今六百載紀功何處尋殘碑滄海桑田人事改

普墨復齋詩鈔

卷二

二十七

摩挲銅狄空嗟咨豈知歷朝開幕府麾旌仗鉞擁雄師
劍氣頽垣騰踞虎鼓聲破壘吼靈夔一朝古物出人間
至寶恒見沙中披玉杯金盃世稀有連城價重同鼎彝
就中古印尤瓌奇土花暈碧光陸離搜剔刮磨考時代
元初創制良工治篆文波折冰斯遺非石非金見者疑
矛頭淅米安足炊此印應有神護持無奈彼氓真蚩蚩
獻璧不早官怒答不爲瓦全拌玉碎質完翻羨處囊錐
嗟余生晚頗好古上方珍玩無由窺鐵硯磨穿不得志
把酒獨傾金屈卮投筆乘躋思絕往手攜快劍除蛟螭

東望蓬壺一長嘯銅鉦早挂扶桑枝

放燈行

中元之夕天冥冥颯然兩岸松風冷
慈航渡世誰揚舫無盡燈燃舍利
熒倏明倏滅淨回汀蓮花開逐波上
萍入功德水滌羶腥超拔幽魂朝廷
大師高座搖金鈴緣何誤誦火珠經
爆聲一震驚雷霆火毬迸裂飛流星
眾口號呼難細聆燈光中雜鬼磷青
焦頭爛額行鈴屨競跨鯤魚趨北溟
水天照耀琉璃屏泉下長眠喚莫醒
鬼語啾啾胡忍聽救生何術拯亡靈
道人心悸互叮咛

蓄墨復齋詩鈔

卷二

二八

道場重建鐘撞筵寶幢珠絡旃檀馨
鐃鉦鏜鞳出林垌簫鼓中流淵不涇
須臾諸佛來雲輶天女散花躡鳳翎
水滴楊枝倒淨瓶施以法食同參苓
高宣佛號聲瓏玲觀者依舊趾無停
一燈幻作千萬形照見蛾眉尹與邢
大堤女兒方妙齡靚妝聯袂走伶俚
傅鉢孟涓滴拋餘零法輪未轉空王
庭遑問鬼目瞑不瞑散歸大嚼傾醪
醅

望海歎

望遠海秋風來吹我直上望仙臺
乘蹻欲往渺無路坐看渤海飛塵埃
塵埃四起毒霧橫流羣妖遶迂輕陽
候

齧自戴山蛟自舞蜃氣幻出空中樓樓上驪珠墮樓下
陰火然珠纍纍以耀彩火燄燄以生煙鮫人入室操戈
鋌驚起癡龍出九淵橫橋血染秦皇鞭鬼鞭石鼉駕梁
海濤搏擊海若披猖掣海長鯨不可以逼視鰈鰈効順
空奔忙天將驅鱷下天闕叱咤詎難走窮髮奈何邀路
任海童反自挂帆撈海月吁嗟予海客狎鷗鷗敢驚係
頸不煩請長纓龜貝百朋輸海嶠海市重開海鏡清我
歎滄桑難逆料徐福島上魚怯釣蓬萊風起引舟還波
臣痛哭天吳笑

蒼墨復齋詩鈔

卷二

二十九

送龔雲峯歸合肥

論交纔幾日遽爾送君行未共麻姑酒慚疎地主情照
梁愁月落倚棹看雲生遙想溪橋泊青山夾岸迎
揮手浮槎去行雲歸舊山水田村舍遠荆棘世途艱浪
跡江湖久詩才庾鮑間扣舷吟興足鷗外寄身閒
眞有煙霞癖孤高厭俗喧狂歌傷世變古道賴公存義
薄雲天上鴻留雪爪痕包祠占香國嘯傲坐花墩

江城圖畫裏秋色滿淮南葉落半湖水晚楓紅欲酣小
山問叢桂新味擘霜柑巖壑平生志乘風擬共探

中秋月下獨酌

夕陰忽開朗，顛宇澄秋景。酒星帶月來，舉杯勸孤影。棲
鴉靜不喧，籬下蟲聲併。池水浸庭花，如坐紫薇省。宵露
滴瓊漿，醞醪味彌永。酩酊入醉鄉，頓教俗慮屏。那知塵
世間，塞路多榛梗。悠然一夢回，明河曙色耿。

河干晚眺

放眼空塵翳，蕭然秋氣多半村。沉落日一線，走長河水
斗挽波。上風颿穿樹過，幽尋足吟興。底事慕巖阿。

輓轡蔬圃外，茅屋幾人家。渡口暝煙合，溪頭野徑斜。葑
墨復齋詩鈔

卷二

三十

蒼斂斷港寺，破補殘霞剩。有禪房在師姑，誦法華。

題俊卿弟東臬書舍四首

菟裘築就寄閒身，斗室蕭然絕俗塵。三徑晴光迷蝶影，
一溪暖漲蹙魚鱗。醱醑夢醒餘香色，桃李園開聚酒人。
此是烏衣舊門巷，東臬舒嘯及良辰。

軒窗寄傲問羲皇，一曲薰琴引興長。花院敲碁朝雨潤，
柳陰拂檻午風涼。閒拈蕉葉欣題句，醉折荷筒代舉觴。
耕讀偏教真趣永，嫁衣底事爲人忙。

蕭齋無事足淹留，散步園林豁遠眸。野雀爭枝和葉墮，

桔槔翻水入畦流拋書手倦纔成夢倚榻涼生又報秋
自顧門庭嗟落莫稻孫應羨米家樓

悵望伊人自溯洄幾時同醉紫霞杯探懷尙握江郎筆
倚閣高吟水部梅濁世已全消芥蒂神山何處訪蓬萊
農桑譜繼青箱業厚澤原憑心地培

益菴弟以素幅索題其壁再賦四律

落拓江湖氣愈豪聊將農事問東臬樽前客滿孔文舉
世上名傳高敖曹衣換茅龍煩補綴風搖簷馬助牢騷
期君共醉藏春塢墨塊澆殘首自搔

蓄墨復齋詩鈔

卷二

三十一

歸來息影恣高眠浪跡何如習靜便貼壁縱留賒酒券
探囊猶剩買山錢沿籬文杏飛紅雨滿架蒲桃補綠天
一枕華胥清夢穩浮雲世事任推遷

怡顏豈待眎庭柯碌碌登場又納禾趣得林泉供嘯傲
人居燕趙易悲歌菊花時節驚秋晚斑管生涯奈老何
他日釣鼈攜手去羊裘不著著漁蓑

異夢同牀孰愛憎酸醜世味總難憑高談驚眾眞狂客
下榻留賓款舊朋爲守寒梅調卧鶴徒鑽故紙笑癡蠅
彈琴竹里同邀月我亦當今王右丞

100

100

